



Manifesto MCA
untuk Pilihan Raya Umum ke-14 (PRU14)

10 Janji
10 Inisiatif



Mukadimah

Kita percaya bahawa Malaysia adalah teristimewa kerana peranan bersejarah yang dimainkan oleh MCA dalam memperjuangkan kemerdekaan Malaya, kini Malaysia. Bapa-bapa pengasas kita menaruh harapan, aspirasi dan komitmen untuk mewujudkan sebuah negara hebat yang membolehkan semua kaum hidup dan bekerja bersama dalam harmoni. MCA menegaskan semula komitmen kita terhadap Malaysia dan akan mempertahankan negara ini sebagai sebuah masyarakat berbilang budaya, agama, sederhana dan harmoni.

Malaysia adalah sebuah negara yang bukan sahaja dihormati malah dikagumi oleh masyarakat antarabangsa sejak dahulu lagi. Melalui prinsip perkongsian kuasa di kalangan pelbagai kumpulan etnik dan ditunjangi sebuah kerajaan demokratik, kita telah memastikan negara kita terus menerus maju dalam suasana aman, stabil dan makmur.

Dalam dekad-dekad kebelakangan ini, Malaysia telah digugat oleh tekanan sosial dan keagamaan di mana tindakan politik tidak bertanggungjawab telah beransur-ansur memecahbelahkan keharmonian masyarakat berbilang budaya yang kita nikmati selama ini. MCA telah disalahtafsirkan tidak memainkan peranan berkesan dalam kerajaan Barisan Nasional. Natijahnya, dalam dua pilihan raya umum terdahulu, MCA menerima padahnya apabila ditolak para pengundi dari masyarakat yang menjadi punca penubuhan parti kita untuk berkhidmat serta mewakili mereka. Para pengundi mengkehendaki parti-parti politik yang bukan sahaja menepati janji-janji, malah bertindak sebagai kuasa semak dan imbang dalam pentadbiran.

Pada tahun 2014, MCA memulakan suatu transformasi parti bertemakan ‘Teguh Bersama’ yang komprehensif. Dengan mengetepikan perbezaan dan bekerja bersama memenuhi janji-janji kepada rakyat termasuk masyarakat Cina Malaysia, kita telah menghimpunkan segala sumber kita dan tampil dengan kekuatan baru. Berbekalkan perpaduan yang berakar umbi dalam parti, MCA hari ini merupakan pemangkin untuk memimpin komuniti Cina, bagi bekerjasama dengan kaum-kaum lain demi mencapai aspirasi “Bersama BN, Hebatkan Negaraku.”

Justeru, kita menggesa seluruh rakyat Malaysia agar akur dengan realiti bahawa Malaysia merupakan sebuah negara berbilang kaum. Hanya melalui bekerjasamalah, dapat kita terus maju dan makmur sebagai sebuah negara. Tiada mana-mana negara yang dapat berfungsi tanpa keamanan dan kestabilan.

Dalam pilihan raya umum akan datang, Barisan Nasional – selaku parti gabungan yang mewakili aspirasi sebenar rakyat Malaysia untuk terus mengecapi kemajuan – akan berusaha untuk memastikan negara ini terus aman dan harmoni, mendukung Perlembagaan Persekutuan dan Rukun Negara.

Ini bermakna MCA mesti meraih kembali keyakinan dan mandat rakyat, agar kita mempunyai tapak lebih kukuh dalam menongkah arus perdana politik. Kita mesti mempunyai perwakilan kuat dalam Kerajaan agar dapat menyerlahkan pengaruh daripada dalam.

Mandat Lebih Besar, Suara Lebih Lantang, Masa Depan Lebih Cerah

Kita menggesa semua rakyat Malaysia, terutama yang berjiwa patriotik dan kesederhanaan agar tampil ke hadapan dan bersatu-padu sebagai satu entiti. Setiap kali kita menyanyikan lagu “NegaraKu”, kita menegaskan semula rasa sayang kita terhadap negara hebat ini. Kita dengan penuh perasaan rendah diri merayu sokongan anda agar **MCA mampu merealisasikan 10 Janji + 10 Inisiatif**.



10 Janji MCA

kepada Rakyat Malaysia

Kita berikrar

1

Mempertahankan Kesederhanaan

Kita komited untuk memelihara kesederhanaan dalam Kerajaan, berusaha mempertahankan institusi-institusi teras kebangsaan teras serta mendukung Perlembagaan Persekutuan serta Rukun Negara.

2

Memastikan Semak dan Imbang

Untuk memperjuangkan hak-hak serta kepentingan Cina Malaysia serta masyarakat lain yang termaktub dalam Perlembagaan tertakluk kepada konteks masyarakat negara kita, di samping memastikan amalan semak serta imbang dalam Kerajaan berbilang bangsa kita.

3

Pendayaupayaan Belia dan Wanita

Kita berjanji untuk mendayaupayakan wanita dan belia dengan peluang-peluang baru perniagaan, pekerjaan dan latihan, mengasah kemahiran keusahawanan selari dengan TN50, di samping berusaha melantik golongan belia dan wanita ke posisi pembuat keputusan di semua peringkat kerajaan dan parti, dari peringkat tempatan, negeri hingga ke persekutuan, serta mengamanahkan kepemimpinan belia dan wanita dalam agenda politik.

Sejajar dengan TN50, MCA akan mewujudkan suatu platform untuk pembangunan kepimpinan serta latihan kemahiran belia, selain daripada menganjurkan pelbagai aktiviti dan projek untuk belia bagi mendayaupayakan serta menyesuaikan mereka dengan rancangan dan dasar arus perdana kerajaan, di samping melatih semula anak-anak muda bagi menghadapi revolusi digital.

Meningkatkan Kualiti Pendidikan Cina

Kita komited ke arah memastikan Sijil Peperiksaan Bersepadu (UEC) diiktiraf, dan pendekatan sistematik dalam membina Sekolah Jenis Kebangsaan Cina (SJKC) serta penyalurannya peruntukannya. Kita juga komited merangka satu Pelan Tindakan Pendidikan Cina untuk memodenkan sekolah-sekolah Cina, termasuk mempertingkatkan penguasaan Bahasa Malaysia dan Bahasa Inggeris.

4

Memacu Pendidikan Di Persada Dunia

Kita berikrar untuk memodenkan serta mengglobalisasikan pendidikan, penyelidikan dan pembangunan (R&D) dan pengkomersialannya menerusi Universiti Tunku Abdul Rahman (UTAR), Kolej Universiti TAR dan Institut VTAR agar generasi muda Malaysia, bakal pemimpin kita, boleh memperkembangkan potensi diri masing-masing melalui pendidikan berkualiti tinggi tanpa mengira etnik atau latar belakang keluarga.

5

Manfaatkan Inisiatif Satu Jajaran, Satu Jalan

Kita komited meningkatkan konektiviti global dan serantau lebih-lebih lagi dengan perhubungan rapat antara Malaysia dan China serta Komuniti Ekonomi ASEAN. Kita akan memanfaatkan konektiviti dengan China menerusi pewujudan lebih banyak peluang perniagaan, perdagangan dan pelaburan di China dan bersama-sama dengan usahawan Cina.

6

Ekonomi Digital dan Inovasi

MCA komited untuk mentransformasikan perniagaan tradisi, terutamanya perusahaan kecil dan sederhana (PKS) termasuk perusahaan kampung dan rumah tangga, bagi mengambil kesempatan ke atas e-dagang, sebagai sebahagian usaha MCA bagi menambahbaik pendapatan golongan berpendapatan rendah dan pertengahan.

7

Ini juga merupakan sasaran kita untuk memacu masyarakat Cina supaya menyesuaikan diri dengan perubahan, inovasi dan trend yang berhasil dari ekonomi digital secara lebih berkesan dan produktif, di samping mendapatkan bahagian yang lebih besar daripada peluang yang terwujud.

Lonjakan dalam Perniagaan dan Kewangan

Kita berjanji untuk mewujudkan Bank Koperasi KOJADI dan meningkatkan peranan Sekretariat Pembangunan Usahawan Malaysia (SAME) bagi meluaskan sokongan kewangan kepada PKS dan usahawan-usahawan untuk berkembang bukan sahaja di peringkat tempatan malah di luar negara.

8

9

Kampung-Kampung yang Baru Diurbanisasikan

Kita akan mentransformasikan kampung-kampung baru menjadi pusat-pusat perbandaran baru yang menggalakkan e-dagang, pertanian moden dan pelancongan eko-budaya.

Penjagaan Kesihatan Mudahcapai

Kita akan memastikan penjagaan kesihatan mudah dicapai dengan kos yang berpatutan. Kita sedang berusaha menjadikan Hospital UTAR sebagai institusi penjagaan kesihatan terkemuka yang menggabungkan perubatan Barat dan komplimentari seperti perubatan tradisional Cina (TCM) serta Ayurveda.

10



10 Inisiatif

untuk Rakyat Malaysia



1

Unit Pemantauan Pusat

Mewujudkan satu Unit atau Biro Pemantauan Pusat untuk memantau agar pelaksanaan dasar-dasar, rancangan-rancangan dan program-program kerajaan dilaksanakan dengan adil, saksama dan berkesan. Ia akan dianggotai warga akademik, profesional, usahawan, pemimpin parti dan pertubuhan bukan kerajaan (NGO), dengan Institut Analisis Strategik Dan Penyelidikan Dasar (INSAP) bertindak sebagai urusetianya.

2

Konektiviti Global dan Serantau

Kita akan terus menggunakan MBRACE (MCA Belt and Road Centre) untuk memperkuatkan perhubungan dengan institusi-institusi dan usahawan-usahawan di China untuk memanfaatkan PKS, sekali gus menjadikan Malaysia sebagai laluan utama untuk Inisiatif Satu Jajaran Satu Jalan China di rantau ASEAN.





3

Mewujudkan Majlis Ekonomi Digital dan Inovasi

Bagi menggalakkan perniagaan tradisi, terutamanya PKS termasuk perusahaan kampung dan rumah tangga bagi mempraktikkan inovasi terhasil dari e-dagang dan revolusi digital, MCA berhajat menuju sebuah Majlis Ekonomi Digital dan Inovasi untuk pemegang kepentingan industri, persatuan perdagangan, dewan perniagaan, golongan akademik, NGO berkaitan serta badan profesional bagi membincangkan isu-isu semasa, dan memberikan buah fikiran dan cadangan balas untuk perhatian kepimpinan MCA bagi diambil tindakan lanjut bersama kerajaan, dalam memformulasikan dasar, perundangan serta halatuju selain mewujudkan konektiviti perdagangan global.

4

Pengajian Tinggi Bertaraf Dunia

Menggalakkan perkembangan berterusan Universiti Tunku Abdul Rahman (UTAR) sebagai universiti swasta berteraskan penyelidikan terkemuka di Malaysia dan Asia, dengan bekerjasama dengan sektor swasta, dari rakyat untuk rakyat. MCA akan mempromosikan latihan industri rentas sempadan untuk para pelajarnya agar pembentukan awal jaringan perhubungan akan membawa kepada peluang kerjaya yang lebih baik. UTAR akan mendirikan hospital pengajarnya di Kampar yang menawarkan penjagaan perubatan berkualiti serta berpatutan di samping mempertingkatkan kapasiti pengambilan pelajar untuk pengajian pascasiswazah.



5

Membangunkan Generasi Akan Datang

Mentransformasikan Kolej Universiti Tunku Abdul Rahman menjadi Universiti Teknikal sepenuhnya untuk:

- Mewujudkan lebih banyak peluang dalam pendidikan teknologi dan vokasional bersetujuan untuk menghasilkan graduan berkemahiran tinggi serta sedia bekerja yang mendapat pengiktirafan antarabangsa.
- Menyediakan program-program pembangunan keusahawanan dan latihan industri rentas sempadan untuk memberikan pendedahan kepada bakat-bakat muda bagi mencuba nasib di luar negara.
- Menstruktur semula Institut Pengajian Pendidikan Awal Kanak-Kanak dan Pendidikan Komuniti (CECE) menjadi sebuah fakulti sepenuhnya di Kolej Universiti TAR untuk melatih guru-guru berkelayakan dalam pendidikan awal kanak-kanak.
- Terus menggalakkan pendidikan dalam bidang Sains, Teknologi, Kejuruteraan dan Matematik (STEM) untuk dijadikan sebagai tonggak pembangunan negara.





6

Pendidikan dan Latihan Teknikal dan Vokasional (TVET)

Mengembangkan Institut VTAR menjadi sebuah institusi pembangunan dan latihan TVET yang lengkap dengan kemudahan kampus sendiri untuk menawarkan rangkaian latihan yang luas di samping fokus membantu meningkatkan kemahiran bakat-bakat muda agar mereka kekal berdaya saing dalam zaman digital baru.



自立合作社
KOJADI
KOOPERASI JAYADIRI MALAYSIA BERHAD



7

Penjanaan Kekayaan untuk PKS dan Golongan Berpendapatan Rendah dan Pertengahan

Mewujudkan Bank Koperasi KOJADI dengan cawangan-cawangan di setiap negeri bagi menawarkan pembiayaan untuk usahawan-usahawan muda dan PKS. Untuk menjana kekayaan, kita berjanji untuk memperkenalkan satu skim pelaburan mengikut cara Amanah Saham Nasional untuk masyarakat Cina meningkatkan pendapatan mereka, khususnya golongan berpendapatan rendah dan pertengahan.



Kampung-kampung Baru Diurbanisasikan

Mengurbanisasikan 10 kampung baru berlandaskan model Bentong dan Yong Peng untuk merangsangkan serta memodenkan ekonomi kampung-kampung baru serta mewujudkan peluang pekerjaan untuk generasi muda.

- Mendigitalkan kampung-kampung baru dengan mencetuskan gaya hidup baru serta menggalakkan penggunaan perkhidmatan digital dan e-dagang.
- Bekerjasama dengan China menerusi Inisiatif *One Belt One Road* untuk mempromosikan produk-produk dan pelancongan kampung-kampung baru.

8



9

Melindungi Kebajikan Wanita, Kanak-Kanak dan Warga Emas

MCA akan terus menawarkan bantuan guaman, dan menyediakan latihan untuk wanita agar dapat berdikari dan menambah pendapatan keluarga serta memperjuangkan kemajuan wanita di Malaysia. Sementara itu, kita juga akan memperjuangkan nasib golongan dewasa serta anak-anak yang ibu atau bapanya rakyat Malaysia tetapi bukan warganegara, agar mereka layak diberikan kerakyatan di samping memastikan penguatkuasaan perundangan terhadap pedofilia.

10

Perkhidmatan Jangkauan Berterusan untuk Masyarakat

Terus memperkasakan perkhidmatan sekian lama kita kepada rakyat melalui:

- Biro Pengaduan dan Perkhidmatan Awam MCA (Michael Chong)
- Chang Ming Thien Foundation
- Huaren Education Foundation
- Yayasan Perubatan 1MCA
- Skuad Bantuan Krisis MCA
- Projek Kecemerlangan Pendidikan Langkawi
- Pusat Khidmat Guaman dan Bantuan Wanita (LAWA)



Kesimpulan

Bagi membolehkan MCA melaksanakan 10 Janji + 10 Inisiatif ini, MCA memerlukan mandat yang lebih besar daripada rakyat.

MCA menyeru masyarakat Cina Malaysia agar tidak mengetepikan perwakilan efektif, berani dan berprinsip dalam kerajaan bagi membolehkan Malaysia terus mempunyai kerajaan yang mempunyai keanggotaan berbilang bangsa dan bukannya etnik tunggal sahaja.

Masa depan terletak pada tangan anda.

Buatlah pilihan tepat untuk masa depan diri dan keluarga, dalam sebuah negara berbilang budaya dan bangsa.

MCA akan terus berkhidmat untuk rakyat dengan penuh dedikasi dan komitmen, mendukung prinsip-prinsip akauntabiliti dan tadbir urus yang baik.

Bersama-sama kita membina Malaysia yang lebih baik.

Bersama BN, Hebatkan Negaraku

BN - MCA

- Pendidikan berkualiti dengan koneksi serantau dan global
- Pendidikan Cina yang berkualiti berpaksikan pendekatan dan penyampaian progresif
- Pendekatan berbilangan kaum
- Serantau

Hab pendidikan Global

- Revolusi Digital
- Koneksi dengan ASEAN dan China
- TN50
- Rangkaian global

**Teras Utama:
Pendayaupayaan
Belia**

- B40
- Warga emas
- Perlindungan kanak-kanak
- Wanita
- Pengangkutan dan koneksi
- Prinsip moderasi
- Komuniti lebih selamat
- Khidmat kesihatan lebih meluas

**Kesejahteraan
Sosio- Ekonomi**

Rakyat

Tiga Teras Dalam Manifesto PRU-14 MCA

MCA akan menjadi penggerak utama pelbagai inisiatif mensasarkan orang ramai.

Teras utama ialah pendayaupayaan belia. Kita komited mentransformasikan semua institusi pendidikan yang ditubuhkan oleh MCA menjadi satu Hab Pendidikan Global, teras kedua. Memandangkan akar umbi MCA masih bertapak pada golongan berpendapatan rendah, kita juga akan terus menjaga kebijakan mereka yang memerlukan bantuan. Maka teras ketiga ialah kesejahteraan sosio-ekonomi.

Untuk menjayakan agenda ini, satu pendekatan berbilang bangsa perlu diamalkan untuk menangani pelbagai isu yang dihadapi oleh masyarakat. Parti akan terus mendampingi rakyat untuk memahami keperluan mereka menerusi sesi libat urus yang aktif dengan pihak pemegang kepentingan.



马来西亚华人公会
Malaysian Chinese Association

Diterbit oleh:

Ibu Pejabat MCA
Tingkat 8, Wisma MCA,
163, Jalan Ampang,
50450 Kuala Lumpur

Dicetak oleh:

United Mission Press Sdn Bhd
(Co. No: 755329-X)
25 & 27, Jalan PBS 14/14,
Taman Perindustrian Bukit Serdang,
43300 Selangor, Malaysia



Facebook
MCAHQ



Youtube
MCAHQ



Twitter
MCAHQ